



010000, Нұр-Сұлтан қ., Бейбітшілік к-сі, 11 үй
тел.: 55-66-31, 55-66-35, факс: 55-72-94

010000, г. Нур-Султан, ул. Бейбитшилик, 11
тел.: 55-66-31, 55-66-35 факс: 55-72-94

№
10.02.2022 № 1 ге

**Тұрақты комиссияның
2022 жылғы 10 ақпандағы
қаулысы**

**Елорданың кітапхана
қорын жаңғырту
туралы**

Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы (бұдан әрі - тұрақты комиссия) жергілікті атқарушы органның елорданың кітапхана қорын жаңғырту туралы ақпаратын тыңдап және талқылап, төмендегіні атап өтеді.

Отырыс барысында депутаттар кітапханаларды цифрландыру деңгейінің төмендігін, сондай-ақ кітапхана жүйесін жаңғыртуға, оқырмандар үшін кітапханалардың тартымдылығын арттыруға кешенді тәсілдің жоқтығын атап өтті. Бұл мәселе бірнеше рет талқыланды, тәжірибелі кітапханашылардың қатысуымен дөңгелек үстел өткізілген. Аталған барлық проблемалар бұдан бұрын айтылған, алайда уәкілетті орган, «Нұр-Сұлтан қаласының Мәдениет басқармасы» ММ (бұдан әрі - Басқарма) тарапынан тиісті шаралар қабылданған жоқ.

Жүйені дамыту бойынша ұсыныстар енгізілген жоқ, талқылау барысында Басқарма нақты ұсыныстарсыз, есептеулерсіз кезекті рет проблемалық мәселелерді көтеріп отыр. Қаланың орталық кітапхана жүйесі 18 жеке-жеке кітапхана емес, ол арқылы кез-келген әдебиетке қол жеткізуді ұйымдастыруға болатын бір база түрінде құрылуы керек. Қорды жинақтау мәселесі де бұрын қозғалған болатын, оқырмандардың қалауын (әлеуметтік жағдайы мен жасын ескере отырып) алдын ала терең әрі жан-жақты талдау қажет.

Қазіргі уақытта кітапханалардың үй-жайлары жөндеуді және, мүмкіндігінше, елордада кітапханаларды орналастыру тұжырымдамасын қайта қарауды қажет етеді. Мысалы, шет елдердің сауда орталықтарында кітапхана сөрелерін орналастыру тәжірибесін ескере отырып, кітапханаларды адамдар көп жиналатын орындарда орналастыру ұсынылды. Бұл ретте жұмыс істеп тұрған кітапханалардың ғимараттарын коворкинг-орталықтардың заманауи форматына айналдыру қажет. Кітапханалардың сыртқы келбетін

000115

бірыңғай заманауи дизайнда безендіру кітапханаларды басқа ғимараттар арасында ерекше етіп көрсетіп, қала тұрғындарының назарын аударар еді.

Қаланың коммуналдық меншігінен кітапханаларға үй-жайлар беру мүмкіндігін іздестіру мәселесін қарастырған жөн, бұл ретте үнемделген ақша қаражатын кітап қорын толықтыруға жұмсауға болады.

Кітапхана қызметкерлерінің жалақысының төмендігі, қызметкерлердің осы санаты үшін әлеуметтік жеңілдіктердің жоқтығы туралы мәселелер тағы да көтерілді.

Жоғарыда баяндалғанның негізінде Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы **ҚАУЛЫ ЕТТІ:**

1. Елорданың кітапхана қорын жаңғырту туралы ақпарат назарға алынсын.

2. Нұр-Сұлтан қаласының әкімдігіне (**қала әкімінің мәдениет және әлеуметтік сала мәселелеріне жетекшілік ететін орынбасары**):

бір ай мерзімде мәслихат депутаттарының ұсыныстарын ескере отырып, елорданың кітапхана жүйесін жаңғыртуды көздейтін қажетті есептеулері бар кешенді жоспар әзірлеу;

елорданың коммуналдық меншігінен, оның ішінде жертөле үй-жайларында, салынып жатқан көп пәтерлі тұрғын үйлердің бірінші қабаттарында, дене шынықтыру-сауықтыру кешендерінің ғимараттарында кітапханалар үшін үй-жайлар бөлу мүмкіндігін қарастыру;

кітап оқуды насихаттау, әлеуметтік және жас санаттары арасында оқу мәдениетін дамыту үшін жүйелі негізде іс-шаралар жүргізу;

кітапхана қызметкерлері үшін біліктілікті арттыру курстарын ұйымдастыру;

кітапхана қызметкерлерінің жалақысын көтеру және тұрғын үй беру мәселелеріне бастамашылық жасау;

кітапханалар және басқа ақпараттық жүйелермен интеграцияның кең мүмкіндіктері бар пайдаланушылар үшін инновациялық бағдарламалық өнім - автоматтандырылған интеграцияланған кітапхана жүйесін орнату;

жастар, қоғамдық ұйымдар мен бірлестіктерді тарта отырып, кітапханаларда балалар мен жастар үшін мазмұнды және пайдалы іс-шаралар ұйымдастыру жөнінде шаралар қабылдау;

МЖӘ жобалары, қала кітапханаларының базасында әлеуметтік-мәдени хабтар құру бойынша ұсыныстар енгізу;

елордада типтік кітапханалар салу үшін негіздеме дайындау ұсынылсын.

3. Осы қаулының ұсынымдарының срындалуы жөнінде бір ай мерзімде қалалық мәслихатқа ақпарат беру қамтамасыз етілсін.

**Нұр-Сұлтан қаласы мәслихатының
әлеуметтік-мәдени даму мәселелері жөніндегі
тұрақты комиссиясының төрағасы**



А. Табулдина